

書

廿二史攷異

元史

元史十二

廿二史攷異九十七

錢大昕學

耶律楚材傳

遼東丹王突欲八世孫

按列傳自第五卷特薛禪以

下至第三十二卷皆蒙古色目人自第三十三卷耶

律楚材以下至第七十五卷皆漢人南人也耶律石

抹系出契丹粘合奧屯系出金源當時目為漢人故

在漢人南人之列高智耀李恆李楨本西夏人國語

謂之唐兀氏馬祖常本出雍古部皆色目也太平漢

人而賜姓蒙古氏故皆在蒙古色目之列趙世延乃

按竺邇之孫系出雍古楊桑兒只西夏人皆當入色
目而誤與漢人同列此則史臣之失檢也
父履以學行事金世宗特見親任終尚書右丞
有移刺履傳卽楚材之父也移刺耶律聲本相近陳
旅述律復舊氏序稱金人改耶律爲曳刺述律爲石
抹曳刺謂前馬之卒也石抹謂臧獲也經世大典序
錄云守狴狴防囚徒者曰禁子追呼保任逮捕者曰
曳刺則曳刺非美名矣食貨志歲賜篇有曳刺中書
兀圖撒罕里卽吾圖撒
合里也謂楚材也蓋元初猶沿金人
之舊稱後來皆易耶律字矣

粘合重山傳

金源貴族也 按金史百官志圖語解俱不載粘合氏

或云卽粘割之譌

金史列傳有粘合荆山
衛紹王紀有粘合合打

楊惟中傳

初滅金時以監河橋萬戶劉福爲總管福貪鄙殘酷虐
害遺民二十餘年惟中至召福聽約束福稱疾不至
惟中設大梃於坐復召之使謂福曰汝不奉命吾以
軍法從事福不得已以數千人擁衛見惟中惟中卽
握大梃擊仆之數日福死 按趙璧傳河南劉萬戶
貪淫暴戾其黨董主簿尤恃勢爲虐強取民女有色

者三十餘人壁至按其罪立斬之劉大驚時天大雪因詣壁相勞苦且酌酒相賀曰經略下車誅鉅強猾故雪為瑞應壁曰如董主簿比者尚有其人俟盡誅之瑞應將大至矣劉屏氣不敢復出語歸臥病而卒時人以為懼死所云劉萬戶者即劉福也壬子歲世祖立經略司於汴以忙哥史天澤楊惟中趙璧為使惟中久當樞軸遇事能斷而壁實助之然兩傳言劉福事互異

張柔傳

繼而道潤為其副賈瑀所殺按金史苗道潤之死在

興定二年即戊寅歲也此傳先書道潤被殺而後書戊寅似未甚核

金主敗走睢陽按史臣紀事不當用古地名此傳金主走睢陽金主走汝南當時無此郡縣名也

史天倪傳

乃以天倪為萬戶按劉黑馬傳太宗即位始立三萬戶以黑馬為首重喜史天澤次之姚燧撰邱澤神道碑云國初以二萬戶鎮撫中夏右則劉伯林軍秦左則粘合重山軍燕顧成謂太宗則益太尉史忠武公天澤為真定河間濟南東平大名五路萬戶于中然則

太祖之世漢軍萬戶祇有劉伯林粘合重山二人據此傳似史天倪在太祖時已有萬戶之名予嘗見史秉直神道碑及史氏慶源碑皆立于太宗朝其稱天倪但云河北西路兵馬都元帥是天倪未嘗授萬戶可以證此傳之誤

實與蒲瓦兵遇於南門合達兵自北奄至實兵敗竟爲所執按嚴實兵敗被執得脫事不見於本傳

權又徙河間卒按史權諡武穆權子燿官至大司農諡義襄傳俱失書

史天祥傳

降其北京留守銀荅忽太祖紀作寅荅虎授蒙古漢軍兵馬都元帥總十二萬戶鎮河中按此事在太祖癸未歲攷太祖初置蒙古左右手及中軍萬戶以木華黎博爾朮納牙爲之漢軍則有劉伯林粘合重山二萬戶此十二萬戶未詳何時增置也

董俊傳

文用子八人士貞士亨士楷士英士昌士恆士廉士方按列傳附載子孫必其人名位顯貴或才德可稱否則似家乘之文非國史矣董氏爲元世臣士貞等八人自當登名仕版史家旣失於稽攷而徒覲列

其名不已贅乎至如文忠之子士珍官至中書參知政事御史中丞贈太傅追封趙國公諡清獻士恭官陝西行臺中丞士珍子守簡官中書左丞御史中丞追封冀國公諡忠肅傳無一語及之又何其疏也又列傳敘述先代亦必有功德可稱方表而出之王鶚之曾祖孫成祖立父琛三世俱無所表見又未出仕史不應備書其名此必采自誌狀而不知其當刪也

嚴實傳

子忠貞忠濟忠嗣忠範忠傑忠裕忠祐按忠範以下四人傳不書其事攷至元十二年忠範以工部侍郎

與廉希賢等持國書使宋為張濡所殺此事之大者傳不應略而不言也又實之孫度官至甘肅行省左丞諡貞憲見柳貫集史亦失書

劉伯林傳

與太傅耶律禿懷即耶律禿花

黑馬太宗即位始立三萬戶以黑馬為首重喜史天

澤次之按元史無重喜傳不知其氏族列傳第一卷有重

喜此別以姚燧撰邱澤碑推之疑是粘合重山之族是一人

而重山傳不言授萬戶

石天應傳

子煥中知興中府事執中行軍千戶 按木華黎傳云
以天應子幹可襲領其衆傳無幹可名蓋一人二名
史家不能悉書也

移刺捏兒傳

遼亾金以爲參議留守等官皆辭不受聞太祖舉兵私
語所親曰爲國復讎此其時也 按遼亾之歲歲在

乙巳

卽宋宣和七年

至元太祖建號之年丙寅相距八十餘

歲若遼亾時已能辭官則此時年近百歲必無能與
攻戰之理史家以其系出耶律妄爲此說而不悟年
歲之不符也

致拒戰捏兒出奇兵掩擊斬致 按木華黎王珣傳俱

云張致部將高益縛致出降獨此傳云掩擊斬致恐

未足信

復從木華黎攻益都 按太祖丙戌歲平益都其時木

華黎已前卒矣領兵者木華黎之弟帶孫也

何伯祥傳

追封易國公諡武昌 趙孟頫撰何璋神道碑云諡忠

毅

璋始襲父職 碑云璋字仲韞

賽曲赤八都高等還自貶所 曲當作典此賽典赤謂

文是

元史十二

六

伯顏也本賽典赤贍思丁之孫襲祖號亦稱賽典赤
八都高當爲八都馬辛

改河南行尚書省平章政事卒 碑云年六十有六子

德嚴順德路總管德溫保定翼副萬戶

李守賢傳

弟守忠爲都元帥守河東朝廷以全晉爲要害之地人
心危疑未定非守賢鎮撫之不可 今以李伯溫傳
參攷之知守忠先爲河東南路都元帥知平陽府事
鎮平陽守溫亦以行平陽元帥府事鎮青龍堡丁亥
歲相繼陷沒乃以守賢代之傳失載守忠被執事則

人心危疑之語太無著矣

郝和尚拔郁傳

太原人 按此傳云太原人而其子天挺傳則云出于

朶魯別族自曾祖而上居安肅州父子各立傳而所

書籍貫互異攷王磐撰和上神道碑亦云安肅州安

肅縣人則此傳云太原者誤矣

在郡王迄忒摩下 疑卽木赤台之子怯台也

子十二人長天益佩金符太原路軍民萬戶都總管

按天益小字山哥

天舉大都路總管兼府尹 按天舉小字長安

趙璿傳

中統元年詔立十道宣慰司以璿為順天宣慰使 按

中統元年立十路宣撫司璿不預使副之列至三年

立十路宣慰司乃以璿等為使傳云元年誤也

石抹明安傳

中都既平加太傅邵國公 按和林廣記所稱太保明

安即石抹明安也此云太傅恐誤或由太保進太傅

則又漏太保一節矣

子咸得不襲職為燕京行省

按耶律楚材傳言燕薊留後長官石抹咸得卜貪暴殺人盈市即咸得不也

次忽篤華太宗時為燕京等處行尚書省事兼蒙古漢

軍兵馬都元帥 按太宗紀甲午以胡土虎那顏為

中州斷事官畏答兒傳歲丙申忽都忽大料漢民分

城邑以封功臣食貨志忽都虎官人五戶絲壬子年

查認過廣平等處四千戶皆謂忽篤華也譯音無定

字故紀志傳書名各異

張榮傳

丙申從諸王闊端破宋棗陽仇城等三縣 按太宗紀

乙未歲皇子闊端征秦鞏皇子曲出即闕伐宋十月

曲出圍棗陽拔之則榮所從者當是闕出非闕端也

攷異

元史十二

八

仇城字疑有誤

世祖卽位封濟南公致仕 按世祖紀中統二年封濟南路萬戶張榮濟南公傳不云授濟南路萬戶史之闕也下文云長子邦傑襲爵孫宏襲邦傑爵所襲卽萬戶之職非襲其公爵

宏襲邦傑爵改真定路總管 按世祖紀中統三年李壇反詔濟南路軍民萬戶張宏修城塹盡發管內民爲兵以備至元二年山東廉訪使言真定路總管張宏前在濟南乘變盜用官物詔以宏嘗告李壇反免死罪罷其職徵贓物償官邳州萬戶張邦直等違制

販馬竝處死此二事皆應載於本傳

劉亨安傳

丙戌歲金將移刺副樞攻絳州城陷死之木華黎承制命亨安領其衆 按木華黎以癸未歲卒子李魯嗣爲國王上文已書國王李魯矣此卻書木華黎何其前後不檢照也

趙迪傳

歲壬午改藁城爲永安軍 按王善傳壬午陞藁城爲匡國軍董俊傳陞藁城縣爲永安州號其軍爲匡國永安乃州名非軍名也傳誤

王善傳

追封冀國公諡武靖按虞集撰太原郡伯王思義墓

碑稱善為趙國武靖公殆由冀而進封趙也思義從

征江西廣東有功官廣東兵馬招討使兼領韶州路

總管善之從子也史亦未見其名

杜豐傳

從國王按察兒攻平陽元初惟木華黎之後稱國王

而太祖弟斡赤斤亦稱國王斡赤斤之孫塔察兒亦

有國王之稱此按察兒未詳何人也下文又有國王

阿察兒阿按聲相近

田雄傳

木華黎承制授雄隰吉州刺史兼鎮戎軍節度使行都

元帥府事按攸哈刺拔都傳云真定史天倪平陽

李守忠隰州田雄皆失守矣我又棄太原將何面目

見主上及國王乎傳不書隰州失守事蓋諱之

張榮傳

歲甲戌從金太保明安降按石抹明安仕金未嘗為

太保此云金太保誤

張晉亨傳

從國王孛羅征益都即孛魯

張子良傳

歲戊戌率泗州西城二十五縣軍民十萬八千餘口因

元帥阿朮來歸太宗命為東路都總帥 按阿朮卒

於至元二十四年年五十四太宗戊戌之歲阿朮年

止五歲耳史家何不攷至此後讀虞集所撰張宣敏

公神道碑云歲戊戌因大帥河南忠武王阿朮以歸

國朝始知傳所據者伯生之碑文然伯生亦祇就其

家所述行狀書之未能攷稽於國史也攷察罕傳云

歲戊戌授馬步軍都元帥率諸翼軍攻拔天長縣及

滁壽泗等州乃悟子良本因察罕以降察罕亦封河

南王諡忠宣後人誤以為阿朮耳

七年罷元管戶隸諸郡縣 按此蒙上中統之文然中

統紀元止於四年此傳云七年八年者至元之七年

八年也史脫至元二字

石抹阿辛傳

石抹阿辛迪列統氏 阿辛即也先譯音偶異史家遂

分為二人各立一傳矣石抹本述律氏迪列統即述

律之異文

石抹宜孫傳作迪烈紮

詰且木華黎解錦衣賞之 按石抹也先傳子查刺歲

癸巳從國王塔思征萬奴癸巳太宗之五年也木華

黎卒於癸未歲距癸巳已十年矣此傳云木華黎誤
王檄傳華黎輒聽太賞之
從三合拔都太傅猛安率兵南征 三合太祖紀作三
模合拔都其號也猛安卽明安紀所稱石抹明安也
帝命闍里畢與皇太弟國王分撥諸侯王城邑 按博
爾木之弟曰斡闊烈闍里必疑卽傳之闍里畢也皇
太弟國王者斡赤斤也

賈居貞傳 立於四平 洪武六年 平人 洪武六年 平人
子汝立嗣 按史稱某人嗣者皆謂先世有封爵以其
人承襲也賈氏無世職不當云嗣

洪福源傳

戊寅冬十二月太祖命哈赤吉孔刺將兵迎討 哈赤
吉卽哈真也孔當爲札

茶邱 立高麗王祖親屬承化侯爲王 承化侯名溫
承寧公綽之母兄也

鄭鼎傳 大觀癸丑八月 鼎子 洪武六年 洪武六年
宋將余侍郎燒絕棧道以兵圍興元 余侍郎謂余玠
也玠以壬寅歲莅蜀其出兵興元乃在辛亥歲史繫
之甲午歲誤矣

庚戌從憲宗征大理國自六盤山經臨洮下西蕃諸城

與抵雪山山徑盤屈舍騎徒步嘗背負憲宗以行按
 憲宗紀無征大理事庚戌歲乃憲宗即位之前一年
 是時三歲無君諸王大臣方議推戴憲宗而立之遠
 征大理事所必無其妄明矣攷世祖紀壬子歲奉命
 帥師征大理癸丑八月師次臨洮九月次忒刺分三
 道以進帝由中道至蒲陀城十月過六渡河經行山
 谷二千餘里意者世祖征大理時鼎實在行聞史家
 誤以為從憲宗耳爲非
 乙未賜白金千兩從世祖南伐 乙未當作己未
 制宜子阿兒思蘭嗣 按武宗紀至大三年十一月

尚書省臣以武衛親軍都指揮使鄭阿兒思蘭與兄
 鄭榮祖段叔仁等圖為不軌置獄鞫之皆誣服詔叔
 仁等十七人竝正典刑籍沒其家此事當載於本傳
 阿兒思蘭諡敬愍傳亦失書

鄭溫傳

賜名也可拔都 按鄭鼎與溫同時亦賜名也可拔都
 姓名俱同

汪世顯傳

忠臣鞏昌便宜副總帥 按忠臣諡忠讓見姚燧撰神
 道碑

四八思德 顯赫

二八並五曲

漢榮顯 對妹 二等圖

尚書省 且以 五部 縣軍

元史十三

廿二史攷異九十八

錢大昕學

劉秉忠傳

其先瑞州人也 此遼金之瑞州非宋之瑞州也秉忠

自曾祖以來皆家邢州足迹未抵江南而江西之瑞

州本名筠州宋末避理宗嫌名始改筠為瑞已在金

南渡之後矣近人修江西通志乃收秉忠入人物何

其謬乎

自忽都那演斷事之後差徭甚大 卽胡土虎那顏中

宜依合罕皇帝聖旨 謂太宗也

攷異

元史十三

移刺中丞拘權鹽鐵諸產商賈酒醋貨殖諸事以定宣
課 移刺中丞謂耶律楚材也當云中書不當云中
丞

張文謙傳

追封魏國公諡忠宣 按文謙之大父字贈大司徒魏

國文愍公父英贈太保魏國簡懿公見虞集張氏新

瑩記

郝經傳

祖天挺元裕嘗從之學 梁清遠曰元史差譌不少如

郝經傳載其祖天挺元裕嘗從之學又云元裕每語

之曰子貌類汝祖才器非常元裕者或卽元好問乎

好問字裕之今乃不書其名而書其字又去下一字

何也裕之嘗師天挺見所撰郝先生墓銘文憲忠文

豈未見邪至天挺傳又言受業于遺山元好問更可

笑矣予按梁氏譏史稱元裕爲誤是矣金元之際有

兩郝天挺一字晉卿澤州陵川人卽經之大父元裕

之嘗從之學者也一字繼先安肅州人郝和尚拔都

之子則學于元裕之者梁氏誤以爲一人非也

塔察國王與李行省肱髀相依 塔察卽塔察兒幹赤

斤之孫也李行省謂李璫

遣使召旭烈阿里不哥摩哥 旭烈卽旭烈兀摩哥卽
末哥皆世祖之弟

經還之歲汴中民射雁金明池得繫帛書詩云霜落風
高恣所如歸期回首是春初上林天子援弓繳窮海
纍臣有帛書至元五年九月一日放雁獲者勿殺國
信大使郝經書于真州忠勇軍營新館 按輟畊錄
載此事本作中統十五年蓋南北隔絕經又被羈未
知至元之改元也史稱伯顏奉詔南伐帝遣使問執
行人之罪宋懼以禮送經歸伯顏南伐在至元十一
年經之還在至元十二年經繫帛書稱中統十五年

正伯顏南伐之歲其明年經始北還傳稱至元五年
又稱經還之歲得之皆誤

姚樞傳

二年拜太子太師 按此傳敘事自世祖卽位以後書
二年四年者中統之紀年也其下書丁年十一年十
三年十七年則至元之紀年也有年而無號史失之
從子燧官至翰林學士承旨以文章大家知名諡曰文
當云從子燧自有傳餘皆應刪

許衡傳

以泰和九年九月生 按蘇天爵名臣事略作大安己

攷異

元史十三

已蓋泰和紀元止於八年其明年改元大安矣傳誤
國家自得中原用金大明歷 按此傳載衡領太史院
修授時歷始末幾四百言文正於歷學非專家其創
法皆出王恂郭守敬二人特假文正領其事以為重
耳歷議已詳於本志又見郭守敬傳此傳但以一二
語了之可矣

子師可 按衡子師敬官至中書右丞傳竟不見其名
李俊民傳

嘗令張仲一問以禎祥 張仲一名易史當書其名不
應稱字

趙良弼傳

脫兀脫以斷事官鎮邢其屬要結罪廢者交構嫌隙動
相沮撓世祖時征雲南良弼馳驛白其事遂黜脫兀
脫罷其屬郡大治 按世祖紀以脫兀脫及張耕為
邢州安撫使劉肅為商權使邢乃大治張文謙傳文
謙與劉秉忠言今民生困敝莫邢為甚盍擇人往治
之乃選近侍脫兀脫尚書劉肅侍郎李簡往三人至
邢協心為治洗滌蠹敝革除貪暴流亾復歸不期月
戶增十倍據紀及彼傳則脫兀脫治邢有績可稱獨
良弼傳乃言其短此吳纘所謂予奪不常也

執渾都海之黨元帥乞台不花逃立火者誅之 按世

祖紀誅乞帶不花於東川明里火者於西川即此二

人也 亦魯合特補肅州軍制置使魯合特身被不花

趙璧傳 趙璧字子玉 涇州人 少為州人 後徙居

自是牙老瓦赤不復用 按憲宗紀元年以牙刺瓦赤

不只兒等充燕京等處行尚書省事世祖紀憲宗令

斷事官牙魯瓦赤與不只兒等總天下財賦于燕即

牙老瓦赤也牙老瓦赤在憲宗朝任用如故傳云不

復用者誤

贈大司徒諡忠亮 按大德三年追封冀國公延祐三

年改諡文忠

王磐傳

擢至大四年經義進士第 至大當作正大

劉肅傳

邢國公諡文獻 按肅父濬贈昭文館大學士邢國公

諡康穆

王思廉傳

帝幸白海 即察罕腦兒也

大德元年成宗即位 按成宗即位至元三十一年

次年改元元貞又二年始改大德安得繫即位于大

德元年之後乎梁德珪傳云大德間成宗即位亦同

大此失

閣復傳

卒年七十七諡文康 按袁楠撰神道碑云追封永國

公會祖衍贈大司農永安郡公諡懿德祖和叔贈昭

文館大學士永安郡公諡昭獻父文忠贈大司徒永

國公諡惠穆

劉國傑傳

為宗王幹臣必閣赤

幹當作幹幹臣即幹真那顏

李德輝傳

歲癸丑憲宗封宗親割京兆隸世祖潛藩立從宜府以

德輝與孛得乃為使時汪世顯宿兵利州扼四川衿

喉以規進取 按世顯以癸卯歲卒在癸丑之前十

年傳殆誤矣攷姚燧撰李忠宣公行狀云時汪忠烈

公始宿兵利州忠烈者田哥之諡非世顯也

至元十五年再圍重慶拔之紹熙南平夔施思播諸山

壁水柵皆下而東川樞府懲前與西川相觀望致敗

惡相屬願獨軍圍合州德輝乃出合俘繫順慶獄者

縱之使歸語州將張珏以我朝含宏錄功忘過能早

自歸必取卿相與夏呂比又為書以禮義禍福反覆

警解之珽未及報而德輝還王邸既而合州遣李興
張邵十二人訶事成都皆獲之釋不殺復爲書縱歸
使諭其將王立按此傳全取行狀之文行狀於願
獨軍圍合州之下云初公撫蜀徑東川歸以爲重慶
帥聞受圍必徵諸屬州兵盡銳拒守合州宜虛誠使
謀人持書曉之兵隨其後亦制令一奇也卽出合俘
繫順慶獄者縱之云云蓋德輝以書招張珽在至元
十三年撫蜀之日其招降王立則在十五年拔重慶
之後兩事本不同時行狀所載乃追述前事本傳刪
去四十餘字則誤以爲卽十五年事矣不知德輝還

王邸在行院西川之前旣還王邸安得猶在成都其
文已相抵牾且張珽以德祐二年卽至元自合州入
重慶至是年元兵拔重慶珽走且被執矣珽之去合
州已將兩載安得有招珽之事乎史家之牘疏如此
十七年置行中書省以德輝爲安西行省左丞按安
西左丞之命在招降羅施鬼國之後未及受命而卒
本紀與行狀竝同傳書於招降之前非也

張雄飛傳

琅邪臨沂人按史家書籍貫宜用當時州縣之名此
傳云琅邪臨沂人趙瑁傳云雲中蔚州人趙宏偉傳

云甘陵人熊朋來傳云豫章人牟應龍傳云其先蜀人後徙居吳興宇文公諒傳云今爲吳興人攷元時無此郡縣名史家失於討論也

二十一年盧世榮以言利進用按上文已有二十一年此重出也虞集傳兩書泰定初

張德輝傳

字輝卿 當作耀卿

德輝舉魏璠元裕李治等元裕卽元裕之也史當稱元好問誤舉其字又脫之字傳又云與元裕北觀又云與元裕李治游封龍山時人號爲龍山三老

德輝請老命舉任風憲者疏烏古倫貞等二十人以聞二十人謂烏古倫貞張邦彥徒單公履張家張肅李槃張昉曹椿年西方賓周止高逸民王博文劉郁孫汝楫王暉胡祇通周砥李謙魏初鄭辰也

王恂傳

父良金末爲中山府掾按恂大父順元時贈太常少卿中山郡公諡安定父良贈昭文館大學士中山郡公諡端慤

十六年授嘉議大夫太史令此上脫至元二字

郭守敬傳

攷異

元史十三

徐昂造宣明歷 按宣明術非徐昂所造

楊桓傳

有得玉璽於木華黎會孫碩德家者桓辨識其文曰受

天之命既壽永昌 按崔或獻傳國璽事一見於成

宗紀再見於按札見傳三見於楊桓傳四見於崔或

傳而詳略小異受天之命四字紀與二傳俱作受命

于天當從之

張禧傳

從宗王合五平定河南 合五當作合丹

張萬家奴傳

張萬家奴 史失其里居

楊賽因不花傳

宋隆濟及折節等叛 成宗紀作蛇節

完顏石柱傳

完顏石柱 史失其里居

軍龍化縣與宋兵戰有功 按宋無龍化縣當是南平

軍之隆化縣也

羅璧傳

右丞阿里海牙領軍下江陵璧從禩孫降授管軍千戶

至元五年從元帥張宏範定廣南而按朱禩孫之降

在至元十二年不當書於五年之前張宏範定廣南則至元十五年事非五年也或疑五年上脫十字朕下文有至元十二年云云則是傳文本誤非脫字矣至元十二年上文已有至元五年則此至元字可省石高山傳

在昔太祖皇帝所集按察兒孛羅窟里台孛羅海拔都闊闊不花五部撥馬赤軍按闊闊不花傳歲丙申

太宗命五部將分鎮中原闊闊不花鎮益都濟南按察兒鎮平陽太原孛羅鎮真定肖乃台鎮大名怯烈台鎮東平怯烈台卽窟里台也此傳述五部將之名

有孛羅海拔都而無肖乃台未知孰是

孟德傳

丁巳從伯顏攻襄樊按伯顏以至元初自西域入朝

丁巳乃憲宗之七年伯顏尚未仕于朝也

張立道傳

除忠慶路總管忠當作中

二十七年北京地陷人民震驚命立道爲本路總管

按至元二十五年改北京爲武平路傳繫以舊名非

也世祖紀至元二十八年以武平路總管張立道爲

禮部尚書

張惠傳

丞相蒙速速愛而薦之。蒙速速疑卽孟速思世祖時

嘗命與安童竝爲丞相固辭故有丞相之稱

呂域傳

呂域字伯充。域一名端善許衡傳徵其弟子十二人

爲伴讀端善在十二人之數卽域也

譚資榮傳

子二人曰澄曰山阜。此傳附書澄事凡二百三十餘

言而良吏篇又別爲澄立傳其姓皆从言旁攷世祖

紀至元十一年副元帥覃澄王暉中堂事紀亦有懷

孟總管覃澄皆不作譚子又見交城縣萬卦山石刻

辛卯年中書省公據後列交城縣長官覃資榮名

辛卯

太宗之三年也又濟源縣濟瀆廡有中統元年祭濟瀆碑後

列懷孟州總管覃澄名又中統五年濟祠投龍簡碑

文稱總管覃侯後列宣授懷孟路總管覃澄名可證

資榮父子本姓覃而傳作譚者誤也

王暉傳

祖宇仕金官敦武校尉父天鐸金正太初以律學中首

選按王宇元贈集賢侍讀學士追封太原郡侯諡

敏懿天澤贈大司農追封太原郡公諡莊靖

陳祐傳

天聖初大匡

祐為河南府總管

歲癸丑穆王府署祐為其府尚書王既分土於陝洛表

祐為河南府總管按睿宗子末哥大王丁巳年分

撥河南府五千五百五十二戶末哥一作穆哥亦作

摩哥傳所云穆王者即穆哥也依史例當稱穆哥王

府傳蓋沿王暉所作神道碑文而不知其非史法也

天祥萬戶鄭鼎臣為宣慰使即鄭鼎也

劾平章岳東木即要東木

劉宣傳

時江浙行省丞相松古臺即忙兀台

何榮祖傳

追封趙國公諡文憲按虞集有中書平章政事何榮

祖諡忠肅議則榮祖嘗諡忠肅矣

賀仁傑傳

德輝分守成都獲王立鈔卒張合呂域傳縱之使諭立

降立復遣張合等奉蠟書告德輝能自來即降德輝

遂從五百騎至釣魚山與東院同受立降東院復奏

誅立并言德輝越境邀功下立長安獄西院從事呂

或即呂至都以兵事告許衡許衡告仁傑仁傑為言

於帝此事已見李德輝及呂域傳惟張合呂傳作

攷異

元史十三

三

郤李傳作卻則轉寫之誤

賈昔刺傳

子丑妮子 虞集傳宜徽使賈公碑作丑鈕子

子虎林赤 碑作忽林赤

子禿堅不花 碑作禿里堅不花

加贈其曾祖昔刺 碑云大德八年有詔褒贈行封自

其曾祖以下凡三等而三世夫人皆有號諡當是時

推恩之典未大行獨二三世家得之而夫人之諡尤

異典也據碑昔刺夫人諡孝節丑妮子夫人毛氏諡

靖淑忽林赤諡忠靖夫人忽八察封臨汾王夫人傳

皆失書

石抹明里傳

石抹明里契丹人姓石抹 按遼金人皆繫姓于名此

傳既書石抹明里又云姓石抹重複非史法

王伯勝傳

元貞元年進階嘉議大夫成宗即位復進通議大夫

按成宗即位在至元三十一年次年乃改元元貞傳

書成宗即位于元貞元年之下誤也其下又書五年

九年則改元大德以後事傳又脫大德字

高源傳

子夢弼良弼公弼 按列傳附書子孫有名而無事狀者如覃澄孫男三人曰忠曰質曰文楊湜孫貞姚燧子燠圻城孟祺子二人遵適許楫子餘慶重慶崇慶餘失其名此類既不能稽其事迹徒費筆墨殊可省

也

元史十三終

元史十四

廿二史攷異九十九

錢大昕學

程鉅夫傳

叔父飛卿 按鉅夫曾祖子明諡安僖祖德秀諡簡懿皆追封楚郡公父翔卿追封郢國公諡孝肅進封楚國公見危素撰神道碑

丞相火禮霍孫 卽和禮霍孫

又命爲御史中丞臺臣言鉅夫南人且年少 按元時有漢人南人之別漢人謂中原之人向屬金者南人謂江淮以南向屬宋者世祖時南人有入臺省者成

宗以後省臺有漢人無南人順帝時南人入中書者

惟危素一人爾漢人入中書之人向屬金齊南人

趙孟頫傳文中亦言孟頫夫南人且半也

帝嘗問葉李留夢炎優劣按此事又見葉李傳雖詳

略不同終不免重出之病

鄧文原傳按公父履謙張氏撰國朝文獻通考

父漳徙錢塘按漳父昭祖追封南陽郡侯漳追封南

陽郡公

至順五年按至順四年改元元統至順無五年傳誤

齊履謙傳

字伯恆傳失書其里居攷蘇天爵撰履謙神道碑云

大名人

燕公楠傳

公楠薦伯顏不灰關里不灰即不忽木關里即徹里

姚燧傳

衡以國子祭酒教貴胄奏召舊弟子十二人燧自太原

驛致館下按姚燧撰白棟墓碣稱魯齋先生奏召

舊弟子散居四方者以故王梓自汴韓思永蘇郁自

大名耶律有尚自東平孫安與高凝燧燉自河內劉

季偉呂端善劉安中自秦獨公自太原十二人皆驛

致館下蓋燧由河內應召至闕下所云公者謂白棟也傳謂燧自太原者誤

或謂世無知燧者曰豈惟知之讀而能句句而得其意者猶寡燧曰世固有厭空桑而思聞鼓缶者乎狀文章以道輕重道以文章輕重彼復有班孟堅者出表古今人物九品中必以一等置歐陽子則爲去聖賢也有級而不遠其文雖無謝尹之知不害于行後豈有一言幾于古而不聞之將來乎按此文蓋取燧所撰送暢純甫序而稍刪潤之其序云純甫自言得余隻字一言不棄而錄之又言世無知公者豈惟知

之讀而能句句而得其意者猶寡嗚呼世固有厭空桑之瑟而思聞鼓缶者乎然文章以道輕重道以文章輕重世復有班孟堅者出表古今人物九品之中必以一等置歐陽子則爲去聖賢也有級而不遠其文雖無謝尹之知不害于行後猶以失之爲悲下下之外豈別有等置余爲哉則爲去聖賢也無級而絕遠其文如風花之逐水霜葉之委土朝夕腐耳豈有一言之幾于古可聞之將來乎純甫獨信之自余不可不謂之知己足爲百年之快恐純甫由此而取四海不知言之非也此序意謂歐陽文以道重雖無謝

尹之知不害于行後而已所爲文無一言幾於古雖有純甫之知恐四海不以爲知言皆自謙之詞而以謝希深尹師魯比純甫以歐陽自況則言外之旨也如傳所云似謂言之幾于古者可以聞之後來不惟語拙而累而于燧作序之旨相去徑庭矣史家述當時之言小有刪易固所不免然汰其繁辭要勿失其本旨若乃句讀之不通而妄加點竄欲以備石室金匱之藏與三史竝列毋乃不知量之甚乎

劉賡傳

五世祖逸以郡吏治獄有陰德祖肅爲右三部尚書

肅傳

按列傳第四十七卷已爲肅立傳逸之陰德當著于

郝天挺傳

父和上拔都魯 卽和尚拔都

天挺與少保張問等 卽章問

張珪傳

子六人 按文宗紀天歷元年十月紫荆關潰卒南走保定因肆剽掠同知路事阿里沙及故平章張珪子武昌萬戶景武等率民持挺擊死數百人也先捏以兵至保定殺阿里沙及張景武兄弟五人御史臺言

也先捏不俟奏聞擅殺官吏珪父祖三世爲國勳臣
設使珪子有罪珪之妻女又何罪焉今旣籍其家又
以其女妻也先捏誠非國家待遇勳臣之意帝曰卿
等言是命中書革正之此事當載于珪傳

李孟傳

曾祖執金末舉進士 按孟之曾祖執祖昌祚父唐三
世皆贈韓國公執諡康惠昌祚諡文靖唐諡忠獻

曹伯啓傳

子六人孫十人皆顯仕 按曹鑑撰神道碑子震亨謙
亨泰亨皆前卒而謙亨并未得官則六人之中已有

三人不登顯仕者矣碑稱孫八人而傳云十人則或
有生于立碑之後者

謝讓傳

二年朝廷以吏多滯事 按此傳自仁宗卽位以後書
二年四年不著年號史脫文也

趙師魯傳

霸州文安縣人 黨縣字衍

張思明傳

及拜住爲左丞相與帖木迭兒各樹朋黨賊害忠良思
明懼禍及累表辭不獲後竟誣以不支蒙古子女口

糧餓死四百人遂廢于家 按拜住賢相何至有賊
害忠良之事此史之誣也攷拜住傳鐵木迭兒引參
知政事張思明爲左丞以助已思明爲盡力忌拜住
方正每與其黨密語謀中害之二年七月奏召思明
詣上都數其罪杖而逐之與此傳所云正相矛盾文
宗紀天歷三年御史劾奏張思明在仁宗朝阿附權
臣鐵木迭兒開謀兩宮仁宗灼見其姦旣行黜降及
英宗朝鐵木迭兒再相復授爲左丞稔惡不悛竟以
罪廢今又冒居是官宜從黜罷詔罷之狀則思明之
爲人大略可知本傳多曲筆未足深信

吳元珪傳

至治元年英宗卽位 按英宗卽位在延祐四年其明

年改元至治不當繫卽位于至治元年之下 王約傳亦有至

治元年英宗卽位之文

追封趙國公諡忠簡 按元珪父鼎亦贈中書右丞壽

國公諡憲穆

陳顥傳

遂爲清州人 按顥曾祖課贈昭文館大學士趙郡公

諡通憲祖某大司農卿趙郡公諡康靖父國瑞大司

徒封趙國公見程鉅夫撰陳氏先德碑

梁曾傳

除知南陽府唐鄧三屬州為襄陽府所奪曾按圖經稽
國制以聞事得復舊按地理志南陽府金為申州
至元八年升為南陽府以唐鄧裕嵩汝五州隸焉無
改隸襄陽之事

劉敏中傳

濟南章邱人

按敏中祖鼎贈禮部尚書彭城郡侯諡

獻穆父景石濱州教授贈參知政事彭城郡公諡文

靖見雪樓集

王約傳

承旨火魯火孫以司徒開府 卽和禮霍孫

賀勝傳

初開平人張弼家富弼死其奴索錢民間弗得歐負錢
者至死有治其獄者教奴引弼子并下之獄丞相鐵
木迭兒受其賂六萬緡終不為直勝聞弼事以語御
史中丞楊朶兒只朶兒只以語御史玉龍帖木兒徐
元素遂劾奏丞相逮治其左右 按鐵木迭兒傳云
上都富人張弼殺人繫獄鐵木迭兒使家奴脅留守
賀伯顏卽賀勝使出之伯顏持正不可撓而朶兒只已
廉得丞相所受張弼賂有顯徵乃與蕭拜住及伯顏

奏之

楊朶兒只傳與此略同

與此傳互異彼云弼殺人繫獄此

云弼家奴殺人而引其子彼云鐵木迭兒脅勝使出

其獄不可又與楊朶兒只共奏之此云勝聞弼事以

語朶兒只不與同奏又此傳云鐵木迭兒受賂六萬

緡鐵木迭兒傳云受弼鈔五萬貫而楊朶兒只傳云

受弼贓鉅萬萬皆其異也

楊朶兒只傳

少孤與其兄皆幼按朶兒只祖世刺贈夏國公諡忠

定父式臘唐古台贈夏國公諡康靖兄教化湖北道

廉訪使贈夏國公諡襄敏見道園學古錄

耶律希亮傳

抵葉密里城乃定宗潛邸湯沐之邑也按憲宗二年

遷諸王脫脫于葉密立地即葉密里也

定宗幼子大名王按宗室表定宗三子長忽察大王

次腦忽太子次禾忽大王此大名王當即禾忽也因

其分地在大名即以為王號猶只必帖木兒稱永昌

王也上文有宗王火忽疑即一人火禾音相近

趙世延傳

其先雍古族人居雲中北邊曾祖黜公為金羣牧使太

祖得其所牧馬黜公死之祖按竺邇幼孤鞠于外大

父术要甲諱為趙家因氏為趙 此文已見按竺邇
傳惟敘黜公事互異

元明善傳

居清河者至明善四世矣 按明善父貞追封清河郡

公諡孝靖祖海追封清河郡侯諡貞惠見吳澄集

虞集傳卷之七未悉大王此六之 阿營天恩出因

使貴近阿營夔夔傳旨阿營即阿榮也 吳澄入王

奎章閣大學士忽都魯篤彌實 上文有大學士忽都

魯都兒迷失即一人也一篇之中稱名互異

揭傒斯傳

父來成宋鄉貢進士 按來成追封豫章郡公賜號貞

文先生

宋本傳

旭滅傑奏釋之 即旭邁傑之封表言奉勅不出香十

謝端傳

史杜宣慰荆南數加延禮薦之姚樞樞方以文章大名

自負少所許可所為文脉端端一讀即能指擿其

用意所在樞歎獎不已 按姚樞當是姚燧之諱樞

本不以文章自負且樞卒于至元十七年是時謝端

甫生兩歲無緣得見樞也後讀蘇天爵所撰神道碑

正作文公燧竊喜鄙見之不謬
天覆地無輒敢
李好文傳
西蜀奉使以私憾撫拾廉訪使曾文博僉事兀馬兒王
武事文博死兀馬兒誣服武不屈以輕侮抵罪好文
曰奉使當問民疾苦黜陟邪正今行省以下至于郡
縣未聞舉劾一人獨風憲之司無一免者此豈正大
之體乎率御史力辨武等之枉并言奉使不法者十
餘事 按此時奉使西蜀者荅爾麻失里王守誠也
守誠傳云初四川廉訪使某與行省平章某不相能
誣宣使蘇伯延行賄于平章某瘐死獄中至是伯延

親屬有愬會茶鹽轉運司官亦訟廉訪使累受金廉
訪使倉皇去官至揚州死副使以下皆以事罷憲史
四人奉差一人籍其家而竄之餘皆斥去卽好文所
云風憲之司無一免者也彼傳稱其風采聳動天下
論功爲諸道最而此傳言其私憾撫拾人罪并諸不
法事褒貶互異如此何以取信後世乎

李术魯神傳

從京兆蕭欒游翰林學士承旨姚燧以書抵欒曰燧見
人多矣學問文章無足與子輩比者于是欒以女妻
之 按蘇天爵撰神道碑云貞隱李先生鄧名士

也公從學詩賦同門莫及復從翰林姚文公學古文
文公奇之以書抵貞隱曰子翬談論鋒出其踐履一
以仁義爲準文章不待師傅而能後進無是倫比于
是貞隱以女妻之又云公配李氏貞隱先生之女狀
則翬之妻實李氏非蕭氏矣翬嘗從學于翬無以女
妻翬之事傳誤而此書言其配蕭氏人罪非蕭不
王都中傳

俄以爲國信使宣諭日本至其境遇害于海上按積
翁追封閩國公諡敬愍改諡忠愍

呂思誠傳

吏部尚書傑哲篤左司都事武祺等建言更鈔法按
思誠與傑哲篤論鈔法已見食貨志

汪澤民傳

徽之婺源州人宋端明殿學士藻之七世孫也按宋
景濂撰澤民神道碑敘其里居世系甚悉史稱藻七
世孫據碑乃藻兄槃之七世孫汪氏自五代初遷婺
源之還珠里傳十世至穀又自婺源遷饒州德興之
龍溪卽槃與藻之父也槃子慥又自德興遷宣州之
宣城子孫遂爲宣城人史舍宣城而繫以婺源亦非
也澤民壽八十三而傳作七十追封譙郡公而傳作

譙國郡公皆史之誤澤民族子克寬預修元史宋景
濂又爲總裁官而史文舛誤如此蓋官書不出于其
手而意在速成往往有此失也又自蘇興與宣州之
事連廣東廉訪副使劉珍碑作劉安仁會州縣與之
成遵傳

至正十七年升中書左丞階資善大夫分省彰德
順帝紀至正十九年詔中書右丞也先不花御史中
丞成遵奉使宣撫彰德大名廣平東昌東平曹濮等
處獎勵將帥百官志同是遵之往彰德乃奉使宣撫非分
省也又以宰相表百官志攷之是年有分省太原者

矣則平章臧卜也有分省濟寧者矣則右丞失烈門
參政賈魯也有分省陵州者矣則平章荅蘭參政俺
普崔敬也若彰德之有分省則在至正十五年其任
分省者前有右丞臧卜左丞烏古孫良楨兩人繼有
參政月倫失不花陳敬伯兩人遵未嘗一日預分省
之事也遵以至正十七年拜左丞紀表失載其月日
而由左丞除御史中丞則表繫之九月蓋以中丞奉
使使旋仍入中書傳既漏除中丞一節又誤書奉使
爲分省皆失之甚者也凡以省官出鎮謂之分省遵
旣除中丞以行則是臺官非復省官故知本傳所書

分省者傳聞之訛也

曹鑑傳

泰定七年按泰定無七年七字誤

劉哈刺不花傳

初哈刺不花與信州人倪晦字孟晰同事泰不花且即

上文所稱河南平章政事太不花也前作太後作泰

於例未盡一

元史十四終

元史十五

廿二史攷異一百

錢大昕學

儒學傳一

許謙 其先京兆人九世祖延壽宋刑部尚書八世祖

仲容太子洗馬仲容之子曰洗曰洞洞由進士起家

以文章政事知名于時洗之子實事海陵胡瑗能以

師法終始者也由平江徙婺之金華至謙五世為金

華人此傳敘述先世凡八十言乃誌狀之文無當

于國史當盡刪之但云婺州金華人

甫能言世母陶氏口授孝經論語 按黃潛撰墓誌云

元史十五

元史十五

考諱觥無子以從父兄貢士日宣之次子嗣即先生也先生甫能言貢士君之夫人陶氏授以孝經論語則陶氏實謙之本生母傳云世母者攷之未審爾同郡朱震亨字彥修按彥修精於醫而傳略不及之雖云重儒學而輕方技朕舍其可傳而錄其不必傳亦通人之蔽也

儒學傳二

程端學登至治辛酉進士第按端學以泰定甲子登第見歐陽原功所撰墓志史誤

陳旅適御史中丞馬雍古祖常使泉南雍古二字

當刪

宇文公諒至順四年登進士第即元統癸酉歲也

良吏傳一

譚澄以其弟山代為交城令山下脫阜字

以疾卒年五十八按山西通志追封恆農郡公諡忠

宣子克修陝西漢中道提刑按察使贈禮部尚書追

封恆農郡侯諡文憲克思中山知府追封恆農郡侯

克修子忠南康府判官質兵部侍郎文河南宣慰使

克思子敬漢陽知府

卜天璋丞相順德王當國當稱哈刺哈孫

良吏傳二

段直 至元十一年河北河東山東盜賊充斥直聚其鄉黨族屬結壘自保世祖命大將略地晉城直以其衆歸之其後論功行賞分土世守命直佩金符爲澤州長官 今澤州鳳臺縣有劉因所撰直墓碑文字完好所書事迹與傳略同而傳所書年代與碑大相刺謬碑云甲戌之秋南北分裂河北河東山東郡縣盡廢甲戌者元太祖之九年金貞祐二年也是歲元兵圍中都金宣宗遷汴故有南北分裂之語而傳乃云至元十一年河北河東山東盜賊充斥以其歲亦

在甲戌也曾不思至元之初境內寧謐河北諸路安有寇盜充斥之患乎碑又云天子命太師以王爵領諸將來略地公遂以衆歸之謂太師國王木華黎承制時也而傳乃云世祖命大將略地晉城曾不思世祖時晉城久入版圖安得有命將略地之事乎碑作于世祖朝其文云今上在潛邸命提舉本州學校未拜而卒然則直卒于憲宗朝未嘗事世祖矣蓋由史臣不學誤切甲戌爲至元之甲戌相差一甲子而不

悟也

未拜而卒

年六十有五子紹隆嗣官至臺州知州傳

未皆失書

林興祖 至治二年登進士第 按至治二年壬戌非

科舉之歲當有誤

忠義傳

李伯溫守賢之孫毅之子也 按李守賢傳末亦云子

毅子十一人伯溫見忠義傳與此文合及攷其傳首

云金大安初守賢暨兄庭植弟守正守忠從兄伯通

伯溫歸款則伯溫乃守賢之從兄前後自相矛盾今

據此傳稱伯溫長兄惟則次伯通歲甲戌錦州張致

叛國王木華黎命擊之大戰城北伯通死焉若伯溫

爲守賢之孫則伯通亦守賢孫矣守賢以甲午歲卒

年四十六則甲戌歲年僅二十六安得有孫且能履

行陳乎毅卒于至元七年庚午年四十九溯其生年

當在壬午守忠以丁亥歲被執伯溫亦失利死節其

時毅才六歲耳而史以伯溫爲毅子何其謬乎推求

其故此傳之誤實因於守賢傳狀彼傳云伯溫見忠

義傳者因篇中有與從兄伯通伯溫歸款之文牽連

書之非謂伯溫在毅子十一人之數也史家不諳文

義遂至謬妄乃爾

子守正自幼時嘗質于木華黎 據李守賢傳則守忠

守正與伯溫爲從昆弟此傳旣云平陽已陷弟守忠
被執伯溫謂左右曰吾兄弟仗節擁旄受方面之寄
吾弟已被執我不可再辱則亦以守忠爲伯溫弟矣
守忠爲守正之兄則守正亦伯溫之弟而此乃云子
守正竟似守正守忠皆伯溫子一篇之中自相矛盾
如此

歲庚寅上黨晉陽合兵攻汾州將陷守正以義赴援
按守忠死於丁亥四月而守正之戰歿更在其前庚
寅在丁亥後四年守正死已久矣此事有誤或云當
爲庚辰之譌

平陽公胡景山以青龍堡降 太祖紀木華黎傳俱作
胡天祚景山蓋其字也

丁亥夏四月金統石烈真襲擊平陽行營招討使權國
王按察兒于洪洞 按金史統石烈牙吾塔傳正大
四年牙吾塔復取平陽正大四年卽丁亥歲也真與
牙吾塔殆一人而兩名乎

石珪 按珪起於盜賊背金歸宋又背宋降元雖死於
非命豈宜廁諸忠義之列

耶律忒末 父丑哥仕遼爲都統遼人不屈節夫婦俱
死焉金主憫其忠義授忒末都統歲甲戌國兵至金

遷于汴祚末及子天祐率衆三萬內附按遼亾於
乙巳歲至元太祖甲戌相距九十載使祚末果於遼
亾時授官計其年當近百歲豈復能從征又閱十餘
年而戰沒乎此與移刺捏兒事蹟不同而妄誕相似
史臣于時代修短且茫然不知而任以筆削之職欲
其無失實難矣取平則五六四
伯八兒合丹氏按目錄以伯八兒標題似合丹爲伯
八兒之氏今檢傳中兩舉伯八名皆不連兒字又元
祕史載蒙力克額赤格事甚詳卽此傳之明里也赤
哥也祕史謂其族爲晃合壇氏丹壇聲相近則兒乃

晃字之譌

合刺普華 僕文質子六人僕玉立僕直堅僕哲篤僕
朝吾僕列篋皆第進士按歐陽原功僕氏家傳云
僕氏先世嘗從其主居僕輦河因以僕爲氏僕玉立
官翰林待制僕直堅宿松縣達魯花亦僕朝吾同知
濟州事僕列篋河南南路經歷
忠義傳二有妻劉氏事
李齊 廣平人 按元統元年進士錄李齊貫保定路

祁州蒲陰縣匠戶此云廣平恐誤

郭嘉 祖昂父惠俱以戰功顯 按列傳第五十四卷

有郭昂官廣東宣慰使子惠江西廉訪僉事當卽嘉
之祖與父也彼傳稱彰德林州人此云濮陽人籍貫

李水異 時有襄陽錄事司達魯花赤塔不台字彥暉者
按元統元年進士錄有塔不歹字彥暉貫東昌路

聊城縣唐兀氏蓋卽其人也
忠義傳三世書於其上

伯顏不花的斤官駙馬都尉中書丞相封高昌王雪雪
合的斤之孫駙馬都尉江浙行省丞相封荆南王朶爾

的斤之子也 按諸王公主二表及巴而朮阿而忒

的斤傳俱不載雪雪的斤朶爾的斤之名葉盛水東
日記引高昌王世勛碑云帖木兒補化有二子長不

答失里嗣亦都護高昌王次伯顏不花的斤爲太常
鮮于樞甥官浙東宣慰使如碑所言似朶兒的斤與

帖木兒補化卽是一人今攷元文類載虞集高昌王
世勛碑不敘帖木兒補化之子葉文莊所見豈別一

碑邪

丑間 字時中蒙古氏登元統元年進士第一 按是榜
有兩丑間第二甲弟十二名字時中貫昔寶赤身役

唐兀氏第三甲弟三名字益謙貫河南淮北蒙古軍

戶哈刺魯氏此字時中者乃唐兀氏非蒙古氏

忠義傳四

送里彌實 曰海魯丁者官信州 按海魯丁事見伯

顏不花的斤傳

孝友傳一

趙一德 拜請於其主鄭何思蘭 卽鄭阿兒思蘭也

尹莘汴梁洧川人 按文宗紀至順元年五月以汴梁

尹華孝行旌其門疑卽一人字形相涉而譌

孝友傳二

劉琦岳州臨湘人生二歲而母劉氏遭亂陷于兵 按

傳與礪有旌孝圖集序云岳陽民張琦生二歲而失

母于兵長而求之三十年不待而不倦風雨往復晨

昏號呼鬼神爲愁行路相泣卒能歸其母使二親終

壽于其室家暮年二親病臂則子爲父冠帶婦爲姑

櫛洗凡所順承惟其志旣歿葬祭清溢于禮遠近莫

不稱其孝焉事聞朝廷命有司旌其門且復其家與

史所載劉琦事略同而姓則互異似當從傳集張琦

爲正蓋琦母氏劉同姓婚姻世不常有也

隱逸傳

張特立 按特立 在金史循吏傳然兩傳所載事迹不

同可以互相攷證

自撒訴於世宗言特立所言事失實世宗宥之 世宗

當作哀宗據金史稱白撒治特立左遷邳州軍事或

士判官杖五十則亦未嘗宥也異於當於與果疑

列女傳

元受命百餘年女婦之能以行聞於朝者多矣不能盡

書十按仁宗紀皇慶二年十月旌表高州民蕭又妻

趙氏貞節免其家科差延祐二年八月旌表貴州達

魯花赤相元孫妻脫脫真死節仍俾樹碑任所文宗

紀天歷二年正月衛輝安寅妻陳氏河間王成妻劉

氏冀寧李孝仁妻寇氏濮州王義妻雷氏南陽郟二

妻張氏懷慶阿魯輝妻翟氏皆以貞節旌其門至順

元年五月龍興張仕興妻鄒氏奉元李郁妻崔氏以

志節旌其門六月旌表真定梁子益妻李氏等貞節

七月大同李文實妻齊氏河南閻遂妻楊氏大都潘

居敬妻陳氏王成妻高氏以志節順德馬奔妻胡潤

奴真定民妻周氏冀寧民妻魏益紅以夫死自縊殉

葬竝旌其門九月辰州萬戶圖格里不花母石抹氏

以志節旌其門十二月冀寧路梁世明妻程氏中興

路伯顏妻阿迭的以志節旌其門二年正月旌大都

大興縣郭仲安妻李氏貞節二月旌鞏昌金州民杜
祖隆妻張氏大都民劉德仁妻王氏貞節三月旌同
知大都府事忪兀禿魯迷失妻海迷失山丹州郝榮
妻李閏故戶部主事趙野妻柳氏貞節四月甘州阿
兒思蘭免古妻忽都的斤以貞節旌其門五月旌濟
南章邱縣馬萬妻晉氏志節六月旌大都右警巡院
胡德妻曹氏貞節七月大寧和衆縣何千妻柏都賽
兒夫亾以身殉葬旌其門八月旌揚州路呂天麟妻
韋氏貞節三年二月旌晉寧路沁州劉璋妻張氏志
節旌濟州任城縣王德妻秦氏婺州路金華縣吳墳

妻宋氏廬州路高仁妻張氏甘州路岳忽南妻失林
蓋州完顏帖哥住妻李氏志節三月旌大都良鄉縣
韋安妻張氏貞節五月旌探忒妻靈保賢孝六月旌
歸德府永城縣民張氏孝節皆傳所謂不能盡書者
然詳於紀而略於傳更非體矣

闕文興妻王氏 至順三年事聞贈文興侯爵諡曰英
烈王氏曰貞烈夫人 按順帝紀元統二年贈文興
英毅侯王氏貞烈夫人英烈英毅諡號小異

列女傳二

也先忽都蒙古欽察氏 按欽察是色目非蒙古

釋老傳

帝師八思巴 世祖紀作八合思八

乃以其弟亦憐真嗣焉 世祖紀作亦鄰真又作亦憐

吉

答兒麻八刺乞列嗣 世祖紀作答耳麻八刺刺吉塔

亦攝思連真嗣 世祖紀作亦攝思憐

乞刺斯八斡節兒嗣 成宗紀作合刺思八斡節而又

作吃刺八思斡節兒

都家班嗣皇慶二年宰相兒加思嗣 按成宗紀大德

九年正月帝師輦真監藏卒三月以吃刺八思斡節

兒姪相加班為帝師仁宗紀皇慶二年九月以相兒

加思巴為帝師中間不書相加班之卒疑相兒加思

巴與相加班即一人

旺出兒監藏嗣泰定二年卒 按泰定帝紀泰定四年

二月帝師參馬亦思吉思卜長出亦思宅卜卒疑即

旺出兒監藏也其卒在泰定四年傳作二年誤

公哥列思八冲納思監藏班藏卜嗣 泰定紀八作巴

以輦真吃刺失思嗣 文宗紀無失字

姦臣傳

阿合馬回紇人也 按回紇唐時舊名後稱回鶻唐末

失其土而遷於北庭元時音轉爲畏兀或作畏吾兒
與回回非一種輟耕錄載色目三十一種有畏吾兀
又有回回元史太祖紀汪罕走河西回鶻回回三國
薛塔刺海傳從征回回河西欽察畏吾兒諸國世祖
紀河西回回畏吾兒等依各官品充萬戶府達魯花
赤文宗紀各道廉訪司官用蒙古二人畏兀河西回
回漢人各一人明史哈密傳其地種落雜居一曰回
回一曰畏兀兒一曰哈刺灰其頭目不相統屬又云
哈密故有回回畏兀兒哈刺灰三種回紇與回回不
宜混而一之明矣阿合馬本出回回故世祖言回回
人中阿合馬才任宰相而傳稱回紇人蓋明初史臣
亦昧於回回回紇之有別也

江淮行省平章阿里伯 阿里伯元史無傳爲阿合馬
所譖死後追諡忠節見柳貫集

右丞燕帖木兒 卽崔斌也

搠思監 野先不花之孫 卽也先不花

叛臣傳

太祖十六年全叛宋舉山東淮南楚州行省 按李全之降據太

祖紀在二十一年丙戌歲 此誤且木華黎以太祖十八

年卒而孛魯嗣之若云十六年則孛魯未爲國王也
阿魯輝帖木兒 曲春傳太平太平傳帖木兒赤而阿
魯輝帖木兒襲其封 按諸王表陽翟王太平泰定
元年襲封曲春帖木兒赤則失其封年而承襲之次
則與此傳正合宗室世系表以太平爲曲春兒帖木
赤兒即帖木兒赤爲曲春之子至阿魯輝帖木兒與其弟
忽都帖木兒則兩表不見其名

高麗傳

太祖十三年帝遣哈只吉劄刺等領兵征之高麗王名

闕奉牛酒出迎王師 按太祖紀稱高麗王瞰降請

歲貢方物攷朝鮮史太祖十三年爲王瞰卽位之五
年傳乃缺其名何邪

皇太弟國王及元帥合臣 合臣卽哈只吉也太祖紀
及朝鮮史俱作哈真

命撒禮塔征其國 洪福源傳作撒里答

十月禎入朝 按是年六月禎親朝此又云禎入朝蓋
以六月朝上都十月入朝大都非旣還國而又入朝
也

立禎庶族承化侯爲王 承化侯名溫見朝鮮史
皇女忽都魯揭里迷失下嫁于世子懋 公主表作忽

都魯堅迷失

子諫復襲王位成宗初年向賓塔實憐公主 表作卜
荅失利本紀作普達實憐又作寶荅失憐

生子燾燾受遜位以仁宗皇慶二年四月封高麗國王
是年其弟曷立爲世子 按本傳述授受事多踈舛

今據朝鮮史攷之蓋諫以至大三年封瀋王入朝皇
慶二年遣歸就國乃請辭位以其長子燾爲征東行
省左丞相高麗王而以姪延安君曷爲世子曷爲瀋
土世子非爲高麗王世子也

燾傳其弟曷 按延祐三年璋請傳瀋王位于世子曷

許之曷所受者瀋王非高麗王又受於璋非受於燾
也燾嗣高麗王順帝至元五年薨子禎嗣至正三年
薨子昕嗣八年薨以禎子眠嗣十一年詔廢眠而
立禎之母弟祺其承襲之次見於朝鮮史班班可攷
曷雖有奪嫡之志迫於衆議終不得逞而史乃云燾
傳其弟曷何其謬乎

諫則更名章云 章當作璋高麗國王自尚主以後子
孫多以國語命名故常有兩名如璋曰益智禮普化
燾曰阿刺忒納失里禎曰不荅失里昕曰八禿麻朶
兒只祺曰伯顏帖木兒入名顯古史家不能盡載今

參所朝鮮史以博異聞

謹按遼金元三朝八
由當時史臣未通繙
一人而彼此互異者
至對音每有空礙且有

聖旨飭令館臣逐一
向來沿襲之陋是書成

於乾隆庚

武英殿舊刊本俟

頒下定本到日遵照改
三月大昕書

元史十五終



程